



Broj: 12/08-27-7829-5/18
Zenica, 17.07.2018. godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj: 12/08-27-7829-4/18 od 16.07.2018. godine, u otvorenom postupku javne nabavke za radove broj: 1417-1-3-11-3-15/18 od 14.05.2018. godine, direktor Kantonalne direkcije za ceste Zeničko-dobojskog kantona, donosi:

O D L U K U

o izboru najpovoljnijeg ponuđača

I

U otvorenom postupku javne nabavke radova za rehabilitaciju dijela regionalnih cesta R 444 Podlugovi-Breza-Vareš i R444a Vareš-Pogar-Luke-Ratanj, ponuda ponuđača NAHONAL-GAS d.o.o. Breza (broj: 95-VI/18 od 27.06.2018. godine) sa ukupno ponuđenom cijenom od 275.000,00KM bez PDV-a, utvrđenom po provedenom postupku E-aukcije, izabrana je kao najpovoljnija.

II

Ponuđač NAHONAL-GAS d.o.o. Breza (ID broj: 4218113350008), adresa Rudarska bb, Breza, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ponuda grupe ponuđača BBM-NL d.o.o. Sarajevo i CESTOTEHNIK d.o.o. Tuzla se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

IV

Ova odluka objaviće se na web stranici www.zdk.ba istovremeno s upućivanjem ponuđačima koji su udestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedeno sa zapisnikom o ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-27-7829/18 od 14.05.2018. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-11-3-15/18 objavljeno je na Portalu javnih nabavki 14.05.2018. godine.

Komisija za javne nabavke imenovana rješenjem broj: 12/08-27-7829-2/18 od 27.06.2018. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristiglo je ukupno 6 (šest) ponuda.

U postupku pregleda i ocjene pristiglih ponuda, Komisija je konstatovala da:

- Ponuda grupe ponuđača BBM-NL d.o.o. Sarajevo i CESTOTEHNIK d.o.o. Tuzla se odbacuje jer dostavljeni dokumenti za ocjenu tehničke i profesionalne sposobnosti po sadržaju ne odgovaraju uslovima iz tačke 12.6. tenderske dokumentacije. Takođe, dostavljena izjava iz tačke 30.1. tenderske dokumentacije po sadržaju ne idgovara propisanim uslovima.

Naime, tačkom 12.6. tenderske dokumentacije propisano je da ponuđači trebaju ispuniti minimalni uslov uspješnog iskustva u realizaciji 1 (jednog) ugovora minimalne vrijednosti 200.000,00 KM za radove izgradnje, rekonstrukcije, sanacije ili rehabilitacije javnih cesta u posljednje tri godine (2015., 2016. i 2017.godina).

Grupa ponuđača BBM-NL d.o.o. Sarajevo i CESTOTEHNIK d.o.o. Tuzla ovaj uslov nije dokazala obzirom da u dostavljenoj potvrdi naručioca nije naveden niti jedan ugovor koji se odnosi na radove izgradnje, rekonstrukcije, sanacije ili rehabilitacije javnih cesta u posljednje tri godine (2015., 2016. i 2017.godina) minimalne vrijednosti 200.000,00 KM. U ponudi je kao dokaz dostavljena potvrda broj: 05-03/11-23-SL/18 od 07.02.2018. godine izdata od Službe za komunalne poslove, izgradnju i poslove mjesnih zajednica Grada Tuzle za „Radove na redovnom održavanju puteva na području grada Tuzla“, te je vidljivo da se radovi ne odnose na izgradnju, rekonstrukciju, sanaciju ili rehabilitaciju javnih cesta a što nije u skladu sa zahtjevima iz tačke 12.6. i tačke 12.7. tenderske dokumentacije.

Takođe, grupa ponuđača je dostavila i izjavu broj: 185/18 od 11.06.2018. godine u kojoj navode da će u slučaju prihvatanja ponude, dostaviti bankovnu garanciju za dobro izvršenje ugovora na iznos od 5 % od vrijednosti ugovora a što nije u skladu sa zahtjevom iz tačke 30.1. tenderske dokumentacije gdje je propisano da je iznos garancije za dobro izvršenje ugovora 10 % od vrijednosti ugovora.

Zbog navedenog ponuda grupe ponuđača BBM-NL d.o.o. Sarajevo i CESTOTEHNIK d.o.o. Tuzla se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila da ponude ponuđača AME d.o.o. Breza, NAHONAL-GAS d.o.o. Breza, TRGOŠPED d.o.o. Kakanj, POROBIĆ d.o.o. Zavidovići i grupe ponuđača MGVS GRADNJA d.o.o. Zavidovići i GRADNJA 1 d.o.o. Tešanj ispunjavaju sve postavljene uslove, te je za 11.07.2018. godine zakazano provođenje E-aukcije sa početkom u 11:00 sati. E-Aukcija je uspješno okončana te je formirana konačna rang lista ponuđača prema izvještaju o toku i završetku E-aukcije. U skladu sa tačkom 23. tenderske dokumentacije, i nakon sprovedene E-aukcije a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a
1.	NAHONAL-GAS d.o.o. Breza	275.000,00
2.	MGVS GRADNJA d.o.o. Zavidovići i GRADNJA 1 d.o.o. Tešanj	276.685,00
3.	POROBIĆ d.o.o. Zavidovići	305.000,00
4.	TRGOŠPED d.o.o. Kakanj	314.526,68
5.	AME d.o.o. Breza	343.692,71

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača NAHONAL-GAS d.o.o. Breza. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor za rehabilitaciju dijela regionalnih cesta R 444 Podlugovi-Breza-Vareš i R444a Vareš-Pogar-Luke-Ratanj.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Ponuđačima,

1 x a/a



